

शु॒मालेभिरे॒ तं त॒ष्टा शी॒र्षतोऽग्रेऽभ्यु॒वामो॒तैवं चि॒न्नाल॒भेर॒न्निति त॒दुर्हि प॒शवः
 स ए॒ष शी॒र्षन्म॒स्तिष्कोऽनू॒क्यश्च म॒ज्जा त॒स्मात्स वा॒न्त-इ॒व त॒ष्टा ह्ये॒तम॒भ्यव॒मत्त-
 स्मात्तं ना॒श्रीया॒त्तदु॒र्ह्येत॒दभि॒वान्त॒म् ॥ ११ ॥ तस्या॒वाङ् मे॒धः प॒पात । स ए॒ष व॒न-
 स्पति॒रजा॒यत तं दे॒वाः प्रा॒पश्यं॑स्त॒स्मात्प्र॒ख्यः प्र॒ख्यो ह॒ वै ना॒मैत॒द्यत्प॒क्ष इति ते-
 नै॒वैनमे॒तन्मे॒धेन॒ सम॑र्धयति कृ॒त्स्नं करो॑ति त॒स्मात्प॒क्षशा॒खा उत्त॑रवर्द्धिर्भवन्ति ॥ १२ ॥
 अथा॒ज्यमु॒पस्तृ॑णीते । जु॒ह्वां चो॒पभृ॑ति च व॒साहो॒मह॒वन्त्याऽ॒ सम॑वत्त॒धान्या॒मथ हि॒-
 रण्य॑श॒कला॒वव॑दधाति जु॒ह्वां चो॒पभृ॑ति च ॥ १३ ॥ अथ॒ मनो॑तयै ह॒विषोऽनु॒वाच॒
 आ॒ह । तद्य॒न्मनो॑तयै ह॒विषोऽनु॒वाच॒ आ॒ह सर्वा॒ ह॒ वै दे॒वताः प॒शुमाल॑भ्यमा॒-
 नमु॒पसं॑गृह्णते म॒म ना॒म ग्र॒हीष्य॑ति म॒म ना॒म ग्र॒हीष्य॑तीति सर्वा॒साऽ॒ हि दे॒वता॒-
 नाऽ॒ ह॒विः प॒शुस्ता॒साऽ॒ सर्वा॒सां दे॒वता॒नां प॒शौ म॒नाऽस्यो॑तानि भवन्ति ता॒न्येवै॒-
 तत्प्री॑णाति त॒थो ह्या॒मोघा॑य दे॒वता॒नां म॒नाऽस्यु॑पसं॒गतानि॑ भवन्ति त॒स्मान्मनो॑-
 तयै ह॒विषोऽनु॒वाच॒ आ॒ह ॥ १४ ॥ स हृ॒दय॑स्यैवाग्रेऽव॒द्यति । तद्य॒न्मध्य॑तः स॒तो
 हृ॒दय॑स्याग्रेऽव॒द्यति प्रा॒णो वै हृ॒दय॑मतो ह्य॒यमूर्धः प्रा॒णः संच॑रति प्रा॒णो वै प॒शु-
 र्याव॑द्ये॒व प्रा॒णेन॒ प्रा॒णिति॑ ता॒वत्प॒शुरथ॒ यदा॑स्मात्प्रा॒णोऽप॑क्रामति दार्वे॒व तर्हि
 भूतोऽन॑र्थः शेते ॥ १५ ॥ हृ॒दय॑मु॒ वै प॒शुः । तद॒स्यात्म॑न ए॒वाग्रेऽव॒द्यति त॒स्मा-
 द्द्यदि॒ किंचि॑द॒वदान॑ ह्ये॒त न तदा॑द्रियेत सर्वस्य ह्ये॒वास्य॑ तत्प॒शोर्व॑त्तं भवति
 यद्दृ॒दय॑स्याग्रेऽव॒द्यति त॒स्मान्मध्य॑तः स॒तो हृ॒दय॑स्यैवाग्रेऽव॒द्यत्यथ॒ यथा॑पूर्वम् ॥ १६ ॥
 अथ॒ जिह्वा॑यै । सा ह्ये॒यं पूर्वा॑र्धात्प्रतिष्ठत्यथ व॒क्षस॑स्तद्धि ततोऽथै॒कच॑रस्य दो॒क्षो
 ऽथ॒ पार्श्वो॑रथ त॒निम्नो॑ऽथ वृ॒क्कुयोः ॥ १७ ॥ गु॒दं त्रेधा॑ करोति । स्य॒विमो॑प॒यङ्घ्यो
 म॒ध्यं जु॒ह्वां द्वेधा॑ कृ॒त्वाव॑द्यत्य॒णिम॒ अङ्गे॒ष्वथै॒कच॑रयै श्रो॒णोरे॒तावन्नु॑ जु॒ह्वा॒मव॑द्यति
 ॥ १८ ॥ अथो॒पभृ॑ति । अ॒ङ्गस्य॑ दो॒क्षो गु॒दं द्वेधा॑ कृ॒त्वाव॑द्यति अ॒ङ्गयै॑ श्रो॒णोर्थ
 हि॒रण्य॑श॒कला॒वव॑दधात्यथोपरि॒ष्ठादा॒ज्यस्या॑भिघारयति ॥ १९ ॥ अथ॒ वसा॑होमं गृ-